

ხელშეკრულება სახელმწიფო შესყიდვის შესახებ N _____ (პროექტი)
ელექტრონული ტენდერი (აუქციონის გარეშე) - NAT
(ხელშეკრულების პირობები შეიძლება შეიცვალოს ან/და დაზუსტდეს ხელშეკრულების გაფორმების ეტაპზე)

ქ. თბილისი

“-----“ ----- 2023 წ.

ერთის მხრივ ქალაქ თბილისის მუნიციპალიტეტის ვაკის რაიონის გამგეობა (შემდგომში „შემსყიდველი“), წარმოდგენილი ----- სახით და ----- წარმოდგენილი ----- სახით შემდგომში წოდებული „მიმწოდებლად“, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის, მათ შორის „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში_ „ხელშეკრულება“) _ შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.

1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ _ კალენდარული დღე, კვირა, თვე.

1.4 „შემსყიდველი“ - ორგანიზაცია, რომელიც ახორციელებს შესყიდვას.

1.5 „მიმწოდებელი“ - პირი, რომელიც ახორციელებს მომსახურებას ამ ხელშეკრულების ფარგლებში.

1.6 „მომსახურება“ _ ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

ქალაქ თბილისის მუნიციპალიტეტის ვაკის რაიონის ტერიტორიაზე ბინათმესაკუთრეთა ამხანაგობების საერთო საკუთრებაში არსებული მრავალბინიანი საცხოვრებელი სახლების სახურავების (ბრტყელი, ქანობიანი) და წყალსაწრეტი მილების შეკეთების სამუშაოების, მრავალბინიანი საცხოვრებელი სახლების წითელ ხაზებში მოქცეული შიდა და გარე წყალ-კანალიზაციის გაყვანილობის შეკეთების სამუშაოების, მრავალბინიანი საცხოვრებელი სახლების საერთო სარგებლობის შიდა ინფრასტრუქტურის - სადარბაზოს, აივნების, ხის, ქვისა და ლითონისკიბეების, ჭიშკრის, სადარბაზოს შესასვლელის გადახურვა, სადარბაზოს კარების და თაღების აღდგენა/შეკეთების, მრავალბინიანი საცხოვრებელი სახლების პანელოვან შენობებში (ქარხნული წესით დამზადებული მთლიანი სექციური კონსტრუქციებით დამონტაჟებული მრავალსართულიანი კორპუსები) პანელთშორისი და სართულშუა ნაპრალების შეკეთების სამუშაოებისთვის დეფექტური აქტების შედგენა/მომზადება.

(CPV - 71320000)

3. ხელშეკრულების ღირებულება, მომსახურების გაწევის ვადა ადგილი

3.1. ხელშეკრულების სავარაუდო ღირებულება შეადგენს: _____ ლარს.

3.2. ხელშეკრულების ღირებულება მოიცავს, როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3.3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

3.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

3.5. მომსახურების გაწევის ვადა: მიმწოდებელი ვალდებულია მომსახურების გაწევა უზრუნველყოს ხელშეკრულების გაფორმებიდან ეტაპობრივად, შემსყიდველის მიერ წერილობით გაცემული დავალების შესაბამისად, მაგრამ არაუგვიანეს 2023 წლის 15 დეკემბრისა, საჭიროების შემთხვევაში შემსყიდველის მიერ გაცემული დავალების საფუძველზე უზრუნველყოს ერთდროულად არანაკლებ 10 ობიექტზე დეფექტური აქტების შედგენა, რომლებიც წარმოდგენილი უნდა იქნეს არაუგვიანეს 10 სამუშაო დღისა;

3.6. მომსახურების გაწევის ადგილი: ქ. თბილისი, ვაკის რაიონის ტერიტორია.

4. მხარეთა ვალდებულებები

4.1. მიმწოდებელი ვალდებულია:

4.1.1. განახორციელოს ხელშეკრულების მე-2 მუხლით და NAT---- ელ. ტენდერის ტექნიკური პირობებით განსაზღვრული მომსახურების გაწევა, ეტაპობრივად, შემსყიდველის მოთხოვნის შესაბამისად.

4.1.2. უზრუნველყოს შემსყიდველის მიერ მითითებულ ობიექტებზე გასვლა, აღმოჩენილი დეფექტების აღმოფხვრის მიზნით ჩასატარებელი სამუშაოების მოცულობების დათვლა, შესაბამისი პროექტის ესკიზის შედგენა.

4.1.3. უზრუნველყოს აღმოჩენილი დეფექტების აღმოფხვრის მართლზომიერად განხორციელების მიზნით ადგილობრივ მოსახლეობასთან ურთიერთობა, ინფორმაციის მოპოვება და მათთან მიზნობრივი კოორდინირება.

4.1.4. წარმოდგენილი უნდა იყოს:

- 1) სამუშაოების შესაბამისი ნახაზები და ესკიზები;
- 2) მოცულობების უწყისი და შესასრულებელი სამუშაოების ხარჯთაღრიცხვა სამშენებლო სამუშაოების ტენდერში გამარჯვებული კომპანიის მიერ დაფიქსირებული ერთეულის ფასების მიხედვით.
- 3) წარმოდგენილ ხარჯთაღრიცხვას და დეფექტურ აქტს თან უნდა ერთვოდეს სამუშაოს შესრულების კალენდარული გეგმა გრაფიკი.

4.1.5. სამუშაოების შესრულებისას მიმწოდებელმა უნდა იხელმძღვანელოს ქვეყანაში მოქმედი სამშენებლო ნორმებით და სტანდარტებით.

4.1.6. უზრუნველყოს საინფორმაციო მონაცემთა ბაზის წარმოება გამოვლენილი დეფექტების (ფოტომასალის დართვით) და ტექნიკური დავალების აღნუსხვის, დაარქივების მიზნით და შემდგომ ამ ბაზის შემსყიდველისათვის გადაცემა, როგორც ბეჭდური, ასევე ელექტრონული ფორმით.

4.1.7. დოკუმენტის მიწოდების ადგილია: ქალაქი თბილისი, თამარაშვილის ქ. N10ა, ქალაქ თბილისის მუნიციპალიტეტის ვაკის რაიონის გამგეობის ადმინისტრაციული შენობა.

4.1.8. მიმწოდებელმა უნდა უზრუნველყოს ზედამხედველობა სამუშაოების განხორციელების პროცესში, კონსულტაციების გაწევა და საჭიროების შემთხვევაში დეფექტური აქტების კორექტირება შემჭიდროებულ ვადებში შემსყიდველთან შეთანხმებით.

4.1.9. მიმწოდებელმა მიღება-ჩაბარების აქტის გაფორმებისათვის (საჭიროების შემთხვევაში), ობიექტების მიხედვით უნდა წარმოადგინოს სსიპ-ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტირებული პირის მიერ გაცემული საექსპერტო დასკვნა. ამ შემთხვევაში საექსპერტო მომსახურების ხარჯებს ანაზღაურებს შემსყიდველი შესაბამისი დოკუმენტების წარმოდგენის შემდეგ.

4.1.10. უზრუნველყოს საპროექტო - სახარჯთაღრიცხვო და დეფექტური აქტების მომზადების - კვალიფიციური კადრებით დაკომპლექტებული მინიმუმ 2 (ორი) ჯგუფი.

- ჯგუფში მინიმუმ 1 ინჟინერი სულ მცირე 5 წლიანი შესაბამისი გამოცდილებით.

- ჯგუფში მინიმუმ 1 ინჟინერის დამხმარე მსგავს სამუშაოებში არანაკლებ 1 წლიანი გამოცდილებით.

4.1.11. განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება.

4.1.12. განახორციელოს შემსყიდველის ინფორმაციული უზრუნველყოფა გაწეული მომსახურების შესახებ.

4.1.13. განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

4.2.1. მომსახურების გაწევის დაწყებამდე წერილობით აცნობოს მიმწოდებელს მომსახურების გაწევის კონკრეტული ვადა და ადგილი.

4.2.1. უზრუნველყოს ხელშეკრულების შესრულების კონტროლი;

4.2.2. განახორციელოს ამ ხელშეკრულებით მასზე დაკისრებული სხვა ვალდებულებები.

5. მომსახურების ხარისხი

5.1. ხელშეკრულებით გათვალისწინებული მომსახურება უნდა შეესაბამებოდეს დადგენილ სტანდარტებს და ტექნიკურ დავალებაში მოცემულ მაჩვენებლებს.

5.2. წინდამდებარე ხელშეკრულებით გათვალისწინებული მომსახურების გაწევისას შედგენილი საპროექტო-სახარჯთაღრიცხვო დოკუმენტები უნდა შეესაბამებოდეს ქვეყანაში მოქმედ სამშენებლო ნორმებსა და სტანდარტებს.

6. ხელშეკრულების შესრულების კონტროლი

6.1 შემსყიდველის მიერ ხელშეკრულების შესრულების კონტროლი განხორციელდება ხელშეკრულების მოქმედების პერიოდში შემსყიდველის მოთხოვნის შესაბამისად.

6.2 ინსპექტირებას განახორციელებს ვაკის რაიონის გამგეობის ინსპექტირებას შემსყიდველის მხრიდან განახორციელებენ ქალაქ თბილისის მუნიციპალიტეტის ვაკის რაიონის გამგეობის თანამშრომლები (უფლებამოსილი პირები).

6.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნი/ხარვეზი გაწეულ მომსახურებაში, მიმწოდებელი ვალდებულია გონივრულ ვადაში გამოასწოროს.

6.4 თუ ამ მუხლის 6.3 პუნქტით გათვალისწინებული წუნის/ხარვეზის გამოსწორების ვადა სცილდება ამ ხელშეკრულების მოქმედების ვადას, მიმწოდებლის მიერ წუნის/ხარვეზის გამოსწორება, ხოლო წუნის/ხარვეზის გამოსწორების შეუძლებლობის შემთხვევაში თანხის დაბრუნება უნდა განხორციელდეს ამ ხელშეკრულების მოქმედების ვადის გასვლამდე.

6.5 მიმწოდებელმა ხელი უნდა შეუწყოს შემსყიდველს ინსპექტირების განხორციელებისას.

7. მომსახურების მიღება-ჩაბარების წესი

7.1 შემსყიდველის მიერ შესყიდვის ობიექტის ან მისი ნაწილის მიღება ფორმდება მიღება-ჩაბარების აქტით შემსყიდველის და მიმწოდებლის უფლებამოსილი წარმომადგენლების ხელმოწერით.

7.2 წარმოდგენილ დოკუმენტაციაში შემსყიდველის მიერ დეფექტის ან ნაკლის გამოვლენის შემთხვევაში შემსყიდველი დაუყოვნებლივ წერილობითი სახით აცნობებს მიმწოდებელს დაწუნებული მომსახურების მოცულობებს და წუნდების მიზეზებს.

7.3 შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი შემსყიდველის მიერ დადგენილ ვადაში. დეფექტის აღმოფხვრასთან დაკავშირებული ვადა თავის მხრივ გავლენას არ ახდენს მომსახურების შესრულების ძირითად გეგმაზე და არ აღემატება ხელშეკრულების მოქმედების ვადებს.

7.4. მომსახურების მიღებას აწარმოებს ვაკის რაიონის გამგეობის თანადაფინანსებული პროექტების განყოფილების თანამშრომლები (უფლებამოსილი პირები).

8. ანგარიშსწორება

8.1. ანგარიშსწორების ვალუტა _ ლარი.

8.2. ანგარიშსწორების ფორმა _ უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად, ქალაქ თბილისის მუნიციპალიტეტის 2023 წლის ბიუჯეტიდან ვაკის რაიონის გამგეობისათვის დამტკიცებული ასიგნებებით.

8.3. შემსყიდველი იღებს ვალდებულებას გადაუხადოს მიმწოდებელს მიღებული მომსახურების ღირებულება, ეტაპობრივად, მიღება-ჩაბარების აქტების გაფორმებიდან 10 (ათი) სამუშაო დღის განმავლობაში.

8.4 იმ შემთხვევაში, თუ ამ ხელშეკრულების მე-10 მუხლით გათვალისწინებული წესით საჯარიმო სანქციის გამოყენებასთან დაკავშირებით შეტყობინების მიღებიდან 8.3 პუნქტით გათვალისწინებულ ანგარიშსწორებამდე მიმწოდებლის მიერ არ იქნა წარმოდგენილი საჯარიმო სანქციით დაკისრებული თანხის გადახდის დამადასტურებელი დოკუმენტი, შემსყიდველი ვალდებულია მიღება-ჩაბარების აქტით განსაზღვრული შესრულებული სამუშაოების ღირებულების ანაზღაურებისას, ხელშეკრულების პირობების დარღვევის გამო საჯარიმო სანქციით დაკისრებული თანხა დაუქვითოს მიმწოდებელს, რის შემდეგაც მიმწოდებელს ჩაერიცხება დარჩენილი თანხა.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წაწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1 შეუსრულებლობის შემთხვევაში (თითოეული შემთხვევისთვის) მხარეს ეკისრება პირგასამტეხლო ხელშეკრულების ღირებულების 3 %-ის ოდენობით;

10.2. წინამდებარე ხელშეკრულებით გათვალისწინებული მომსახურების გაწევის ვადის, ან/და შემსყიდველის მიერ განსაზღვრული ვადის დარღვევის შემთხვევაში მიმწოდებელს ეკისრება პირგასამტეხლო ყოველი ვადაგადაცილებული დღისათვის შეუსრულებელი მომსახურების ღირებულების 0.2%-ის ოდენობით.

10.3. წინამდებარე ხელშეკრულების ფარგლებში გაწეული მომსახურების ხარვეზის გამოსწორებისათვის განსაზღვრული ვადის დარღვევის შემთხვევაში მიმწოდებელს ეკისრება პირგასამტეხლო ყოველი ვადაგადაცილებული დღისათვის ხარვეზის მქონე მომსახურების ღირებულების 0.2%-ის ოდენობით.

10.4. წინამდებარე ხელშეკრულების 6.3 პუნქტით განსაზღვრული პირობების დარღვევის შემთხვევაში, მიმწოდებელს ეკისრება პირგასამტეხლო ყოველი ვადაგადაცილებული დღისათვის ხელშეკრულების ღირებულების 0.2%-ის ოდენობით.

10.5 იმ შემთხვევაში თუ მიმწოდებლის მიერ წარმოდგენილ პირველად დეფექტურ აქტში ხარჯთაღრიცხვის ცდომილება ფორმა N 2-თან მიმართებაში იქნება $\pm 20\%$ -ის ოდენობით, მიმწოდებელს დაეკისრება პირველად დეფექტურ აქტში წარმოდგენილი თანხის 0,5% პირგასამტეხლო.

10.6. ხელშეკრულების ცალმხრივად შეწყვეტის შემთხვევაში, მიმწოდებელს დაეკისრება ჯარიმა ხელშეკრულების ღირებულების 5%-ის ოდენობით.

10.7. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10.8. თუ მიმწოდებლის მხრიდან წინამდებარე ხელშეკრულებით გათვალისწინებული სამუშაოს შესრულების ვადის დარღვევა გამოწვეულია შემსყიდველის მიერ განსაზღვრული საექსპერტო ჯგუფის მიერ შესყიდვის ობიექტის ან მისი ნაწილის რაოდენობრივი და ხარისხობრივი პარამეტრების შემოწმებისათვის აუცილებელი დროის გამოყენებით, ასეთ შემთხვევაში არ იქნება გამოყენებული წინამდებარე მუხლის 10.2, 10.3 და 10.4 პუნქტებით გათვალისწინებული სანქცია.

11. ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების ხელმოწერით.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2 თუ ასეთი მოლაპარაკებების დაწყებიდან 1 (ერთი) თვის განმავლობაში შემსყიდველი დამიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს საქართველოს სასამართლოს კანონით დადგენილი წესით.

13. ხელშეკრულების შეწყვეტა

13.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

13.2. წინამდებარე ხელშეკრულების ფარგლებში მომსახურების გაწევისათვის შემსყიდველის მიერ განსაზღვრული ვადის დარღვევის შემთხვევაში შემსყიდველი ვალდებული ერთჯერადად აცნობოს მიმწოდებელს ვადის დარღვევისა და დამატებითი ვადის დაწესების შესახებ, ხოლო დამატებითი ვადის უშედეგოდ გასვლის შემთხვევაში უფლებამოსილია ცალმხრივად შეწყვიტოს ხელშეკრულება.

13.3. მიმწოდებლის მხრიდან წინამდებარე ხელშეკრულებით გათვალისწინებული ვალდებულების ორჯერ ან მეტჯერ შეუსრულებლობის ან არაჯეროვნად შესრულების შემთხვევაში შემსყიდველი უფლებამოსილია ცალმხრივად შეწყვიტოს ხელშეკრულება.

13.4. თუ ამ ხელშეკრულების საფუძველზე მიმწოდებლისათვის დაკისრებული პირგასამტეხლოს ოდენობა გადააჭარბებს ხელშეკრულების ღირებულების 5%-ს შემსყიდველი უფლებამოსილია ცალმხრივად შეწყვიტოს ხელშეკრულება.

13.5 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს

ხელშეკრულებით გათვალისწინებული ვალდებულებების შესრულებისაგან.

13.6 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

13.7 ხელშეკრულება შეიძლება შეწყდეს საქართველოს კანონმდებლობით გათვალისწინებულ სხვა შემთხვევაში.

14. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2024 წლის 30 იანვრის ჩათვლით.

15. ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

16.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

16.2. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

16.3. ხელშეკრულება შედგენილია ქართულ ენაზე, ელექტრონული ფორმატით, რომლის ამონაბეჭდი არის ელექტრონული დოკუმენტის ასლი და მას ელექტრონული დოკუმენტის თანაბარი იურიდიული ძალა აქვს. ელექტრონული დოკუმენტი ინახება ხელმომწერ მხარეებთან.

17. მხარეთა რეკვიზიტები:

მიმწოდებელი

შემსყიდველი